

مجموعہ ابوالضیا

ماسوا شایہ سندن دلی تطہیرہ چالش
پر تو حکمت و عرفان ایلا تنویرہ آتش

علوم و معارف دین بحث ایدرہ و ہر ماہ عربی ابتدائیہ اون بشددہ نشر اول نور مجموعہ فنو تدرہ

نومرو ۱۸ - جلد ۲ [فی غرہ جادی الآخرہ سنہ ۱۲۹۸] شخندسی ۲ فروش

اوتوز دردنجی فصل

دشمنك صلحه تمایلی موجب اوله جق وسائل بیاننده در .

« بحار به لزه ابتدار ایله برابر معاملات حربیه بی نتیجه بخش موفقیت اوله جق صورتده اجرا ایچون هر نه قدر متبصرانه حرکت اولتسه بعضا موفقیت حاصل اوله مز . قحط و غلا و علل مستولیه و بحرأ فورتنده قیلمندن حالات - که عدم وقوعی و منع ظهوری اقتدار بشرک خارجنده در - بعضاً الك کوزل تدبیرلی خراب ایدر . ابتدای امر ده ضعفنه کوه نیلان بر دشمن بعض احوالک الجا آتیله کسب قوت ایده یلوب، بالفرض بو بیوک دولتک (یعنی اسکلتزه ایله فلنکک) هستی سیاسیسنی تهلیکه به القا ایده مز ایسه ده دشمنک کثرت سفائنده برابر فنون بحریه ده کی مهارتی سایه سنده بعض جزیره لرمز و هندستانده کی مستلکاتمزه اولان ارتباطن قطع اولتسه رق، وجودی غدا سندن محروم و بناء علیه دوچار ضعف ایده بیلیر .

حربک دوامی تلافی مافاته مانع اولور . دشمن جزوی موفقیتله شماره جینی جهتله شرائط مساعدده ایله عقد مصالحه به میل ایلر ایسه او حالده آتی البیان تدبیرک مثر اوله بیلرسی امید اولور . اقوام شمالیه قوی البنیه اولمقله برابر بعض مرتبه غباوت ذهنیه ایله مفطور اولدقلرندن اکل و شرابه فوق الغایه منهمکدرل . بناء علیه آنلره قولله غلبه دن زیاده کنمدیلرینی عقلا اداره آسانتردر .

فضایح عاقلانه و حرکت مهارتکارانه ایله وقایه ناموس و بحار به نک انتاج ایلیه جکی احوال اسف اشتمال یوزندن غائب اولان منافعت اعاده سی ممکن اولور . اکابر ایله محب و محبدرینه صورت خفیه ده توزیع ایدیلان مبالغ موجب اوله جق فتوحاتدن بجه لزوم کوره م؛ بو عادت هر زمان معلوم و مرعی الاجرا برکیفیندر .

بعضاً يك چوق آلتون ايله استحصال اولنه ميه چق صورته خصمك
تحويل عزم و نيتي قابل اولور . هر حالده . بو تحويل عزم و مقصدك
حصولي چون وسايط معقوله لازمدر . بونك ايچون دخی ذات حشمتاً .
بلری جانبدن بر مقدار آچه ایشارینی فائده دن خالی عدايتهم ؛ بو باده براز
ايضاح مرام ايده يم :

بعض اقوامده و باخصوص انكـلـتره ده اصحاب علم و عرفاندن
ناطقه پرداز ذوات يك چوق اولمله برابر حصه ياب مساند و اقبال اوله .
مدفلى جهته خضیض سفالنده سرگرداندر . ايشته بو يولده بخت
و طالع زبونلى تدابير حسنه ايله جلب اولنه رق ، كرك تفريرنده و كرك
تحريرنده استعمال ايله جكلى الفاظ و افكارى كنديلرينه تلقين ايتك
فائده دن خالی اوله مز . بونلر صلحك محسناتنى اعظام ايلسونلر .
بليات حربه دائر دور و دراز نطقلر ايراديله سفك دمايك انتاج ايله جكي
حالاتى و ازباب حرف و صنايعك دوچار اوله جـنى مضراتى و هر شيك
كسب غلا ايله معاملات تجاريه نك حاصل ايده جكي تدبىاتى و بناء عليه برأ
و بحراً تعطيل موارداتى ايسته دكلى قدر اعزام ايلسونلر . و حاصلـى
مخاربه نك الك بيوك آفاندن اولوب ، يالكزه بعض كره موجب استفاده
اوله جـنى بيلدـرسـونلر . ديكر طرفدنده دولت فخيـمه زينك قوت
و مكنتى بر تفصيل بيان ايلسونلر ؛ آرزوى آشتى پرورانه زينى دخی ميدانه
قويسونلر .

ناطقه پردازلر ، بو سوزل ايله حكمدارزينك دخی صلحه ميسال
اولوب ، فقط بعض رجالك اصرارينه مبنى حربه دوامه مجبور اوله جـنى
بيان ايدرلسه مطلوب اولان تأثيراتى حاصل ايده جـكنده شبهه بو قدر .
او حالده ذات حشمتاً بلرى دشمنك ملكنده صلح جو اوله رق قوتلى بر
فرقه تشكيل ايتش اولورل .
مخاربه ده حرص و طمع و اميد و خوف كله لى ميدانه قويلوب

مملکتلرینک منافع صحیحه لری علیهنده بولنلار دخی اولور . اکثریت خلق جاهل و ساده دل اولدیغندن ، بویله نطقلره اعتبار ایدر . افکار عمومی بر کره بوجهته توجه ایدنجه اغنیا دخی تکالیفدن قورتلوق اوزره صلحه رغبت ایدر ؛ و آنلرک توابعی ده کندیلرینه توفیق حرکت ایلر . سفینه لرینی غیب ایتکدن خوف ایدن نجار ، حاصلی حکومت اقبه اقراض ایدن فاضلجیلرله مزاحمه جیلر عمومی صلح طرفدارلرینه التحاق ایلر .

الحاصل قورققلار وارباب قشون کبی سکینتله عمر کچروب قانلری قورومش اولانلر ، و مشاغل لاتیخصی و یا سفاهات خیانتفرسا ایله زبون دوشمش اولان رجال و نسوان دخی صلح طرفداری اولورلر . پرنسلیرینه ، قونلرینه ، دوقلرینه اتباع طوری کوسترمکله تأمین منفعت قیدنده اولان خلوصکارلر ؛ و مأموریت ظائب ایتک اندیشه سنده و یا مأموریت استحصال ایتک امیدنده بولنلار دخی بیوکلرینه باقه رق جله سی بردن شاهد صلحه پرستش ایدرلر .

تعریف موت

موتک دور و دراز تعریفنه حاجت بوقدر چونکه عالم وجوده ککش اولان کافه ذی روحک عاقبتیه الامر نوش زهرابه مات ایتکلکی مقرر و « کل نفس ذائقة الموت » حکم جلیلی لایتغیردر . حکمدان پک چوق ذوات موتی افرادینی جامع و اغیارینی مانع اوله جق صورتده تعریف ایتک ایسته دیلر ایستده موفق اوله مدیلر . و اوزون او زادی تعریفانده بولنلار دخی قوتلی اعتراضاته هدف اوله رق ، سکوته مجبور اولدیلر .